

ПАМЯТНИКИ ДРЕВНЕЙ ПИСЬМЕННОСТИ



LXXXV

ЖИТІЄ

ПРЕПОДОБНАГО

СТЕФАНА КОЖЕВЬСКАГО

СООБЩЕНІЕ

Хрусанея Лопарева



1892

Printed in Russia.

ПАМЯТНИКИ ДРЕВНЕЙ ПИСЬМЕННОСТИ



LXXXV

Ж И Т І Ъ

ПРЕПОДОБНАГО

СТЕФАНА КОЖЕВЬСКАГО

СООБЩЕНИИ

Хрусанеа Лопарева



1892

Напечатано по распоряженію Комитета Императорскаго Общества
Любителей Древней Письменности.

Секретарь *Хр. Лопаревъ.*

Типографія В. С. Балашева, Спб., Екатерининскій каналъ, 80.

Житіє Стефана Комельскаго было сравнительно мало распространено въ нашей древней письменности и осталось неизвѣстнымъ изслѣдователю древне-русскихъ житій, проф. В. О. Ключевскому. Одинъ изъ списковъ сего житія, *неизвѣстнаго времени*, находился въ библиотекѣ Царскаго и имъ пользовался архіеп. Филаретъ при передачѣ содержанія Житія преподобнаго ¹. Правда, въ Описаніи рукописей Царскаго нѣтъ указанія на это житіе, но такъ какъ въ каталогъ Строева вошли не всѣ рукописи, а съ другой стороны собраніе Царскаго цѣликомъ перешло въ собственность Гр. А. С. Уварова, то надѣемся современемъ найти этотъ списокъ при посредствѣ Описанія Уваровскихъ рукописей, приготовленнаго къ печати покойнымъ архимандритомъ Леонидомъ. Второй списокъ, вмѣстѣ со службою преподобному Стефану, *новаго письма*, находится въ библиотекѣ проф. Н. С. Тихонравова и положенъ здѣсь въ основу изданія; третій, *XVII вѣка* (Q. СХСVIII), принадлежитъ Императорскому Обществу Любителей Древней Письменности и послужилъ при изданіи для вариантовъ (списокъ довольно неисправный); наконецъ четвертый, *XVII вѣка*, въ сборникѣ въ листъ.

¹ Русскіе святые, Черниговъ 1863, іюнь, 72—75.

находится въ продажномъ рукописномъ собраніи г. Яковлева; но, какъ мнѣ сообщено, сею рукописью нельзя воспользоваться.—Въ изданіи раскрыты титла и слова переданы въ большинствѣ случаевъ по современному правописанію и по всей полнотѣ ихъ буквъ.

ЖИТИЕ и ПОДВИЗИ

ПРЕПОДОБНАГО ОТЦА НАШЕГО СТЕФАНА,

иже на Комельскомъ езерѣ пречестенъ монастырь совокупльшаго, Вологодскаго чудотворца, и преставившагося въ лѣто 7050-го мѣсяца іюня во 12 день на память преподобныхъ отецъ нашихъ Ануфрія Великаго и Петра Аеонскаго ¹.

Велій Господь и хвалень зѣло и велія крѣпость его и разуму его нѣсть числа; якоже удиви Господь святыя своя угодники ²; мученицы убо быша въ первая лѣта, тѣи духомъ святымъ наставляеми бысть ³, Христа ради мученіемъ ⁴ конецъ пріяша, сѣи кровію крестшася, кровію и спасошася; а иже самоволніи мученицы именуются, сѣи ⁵ самоволніи мученицы, иже мира отвергошася ⁶ и всего яже въ мирѣ суть, и облещяся во святыи ангельскій образъ и терпяше всяку страсть, Христа ради тѣснѣи убо и прискорбнѣи путь шествовавы небеснаго ради царствія, алканіемъ и жаждою души своя томиша, и брашася постомъ и молитвою съ невидимыми враги. Писано бо есть: Праведникъ отъ ловитвы избѣгнетъ, и Память праведнаго съ похвалами, и Благословеніе Господне на главѣхъ его, Отъ устъ праведнаго каплетъ премудрость. Самъ Господь къ своимъ ученикомъ и апостоломъ рече: Вы есте свѣтъ

¹ Мѣсяца іюня въ 12 день и житіе и жизнь, подвиги и преставленіе пре подобнаго отца нашего Стефана игумена и строителя монастыря святаго Николаи чудотворца, иже есть на езерѣ Комельскомъ, о области града Вологды. Благослови отче ²ест. и ³быша ⁴мученія ⁵ест. суть ⁶прот. до: простру слово

миру; свѣтъ же, рече, не огня вещественнаго, иже пожи-
гаеть, но свѣтъ ума невещественнаго же отъ Бога и Гос-
пода нашего Іисуса Христа благодати, и боготворивый даръ
пріяша. Азъ же многогрѣшный ревностію яко нѣкимъ жаломъ
душу любящаго благихъ дѣлъ житіе уязвити и на благоче-
стивое житіе протчая привести, всякъ бо писаше писаніе а
слагая въ немъ живеть духъ святыи, оному же пишущу, а
духу святому умудряющю благое написовати и благоугодное,
а не злое, якоже ны наречеса, рече Богъ, о преподобнемъ
отцѣ нашемъ Стефанѣ, игуменѣ и строителѣ монастыря
святаго Николы, иже есть на езерѣ Комельскомъ. Но како
и коимъ писаніемъ простру слово, якоже¹ о святомъ, но
положу упованіе всегда на Господа Бога и на тое² рождшую
Богоматерь, но той³ подасть ми умъ благъ и просвѣтитъ
разумъ и отверзеть очи сердечныя и да пишу⁴ о святемъ,
еже малу рѣчь слышахъ о немъ.

Начало о святомъ.

Слысахъ убо о святомъ Стефанѣ отъ нѣдрыхъ, яко рож-
деніе имый и воспитаніе во области вологоцкой, веси же
и⁵ села не познахомъ, но нарѣчіемъ слысахомъ, яко
отецъ его живяше у нѣкія княгини во дворѣ, ей⁶ же убо
вдовство имѣюще, и глаголють же ю благочестивая Софья
Брадатыхъ. Мню же, яко благочестивъ⁷ сы бысть и мужъ
той, отъ негоже произыде си отрокъ святыи Стефанъ. Сей
же отрокъ извыче божественнаго писанія и разсмотривъ
суету свѣта сего и не⁸ изволи жити въ мирѣ семъ; и иде
во единъ отъ монастырей⁹ во обитель Покрова пресвятыя
Богородицы, иже есть на рѣцѣ на Глушицѣ, во ограду
преподобныхъ отецъ Діонисія и Амфилохія Глушицкихъ

¹ язь ² того ³ ест. да ⁴ пишутъ ⁵ или ⁶ ни ⁷ проп. сы бысть ⁸ ил-
выче бо жетѣ но ги ⁹ ест. и

чюдотворцовъ, и ту постриженіе воспріять отъ ту сущаго игумена, и многа лѣта пребысть въ монастырѣ томъ, труждашеся во всякихъ службахъ монастыря того; постъ же и молитву его кто исповѣсть? единому Богу свѣдущу¹. И по-семъ паки изыде изъ монастыря того и хоужаше по многимъ обителямъ, труждашеся Бога ради. И пребысть² многое время въ монастырѣ пречистыя³ Богородицы⁴, иже есть на Тифинѣ; прехоудя бо изъ обители во обитель, искаше себѣ мѣста пустыннаго, гдѣ бы ему пустыню составити; но идѣже Господь Богъ изволитъ на коемъ мѣстѣ прославитися имени его святому, той на то мѣсто и приведетъ Господь любящая его. Послѣди же приде паки, духомъ святымъ наставляемъ и водимъ, преподобный старецъ Стефанъ въ пустыню сію, въ ней же бѣ нынѣ монастырь святаго Николы архіепископа града миръ Ликійскихъ чюдотворца⁵.

Приходъ святаго въ пустыню на озеро Комельское.

Преподобный же истинный⁶ старецъ Стефанъ потрудися во многихъ обителяхъ и не изволи въ нихъ⁷ до кончины вѣка своего⁸ пребывати, паче же реку: Богу тако изволившу. И паки поиде святой по пустынямъ и по непроходимымъ мѣстамъ по многихъ странахъ⁹, прехоудя многіе мѣста, послѣди же приде, Богомъ наставляемъ, на мѣсто то, идѣже есть нынѣ монастырь стоитъ во имя святаго Николы на озерѣ Комельскомъ. Мѣсто же оно не¹⁰ вельми красно, паче же реку: и унывно;¹¹ страну убо озеро Комельское, вскрай же озера мѣсто равно суть, идѣже преподобный вселися, древеся бо сосны превеликіе, ели убо и березникъ угодны суть къ¹² строенію церковному и никомуже прежде тутъ отъ человекъ живущи. И возлюбилъ е святой и рече: Се покой мой въ вѣкъ

¹ вѣдома ² ест. же ³ пресвятая ⁴ ест. Одигитрія ⁵ чюдотворцевъ
⁶ святой ⁷ они ⁸ сего ⁹ во многія мѣста и проп. до: послѣди ¹⁰ проп. ¹¹ ест.
 со ¹² и

вѣка; здѣ вселюся. И паки рекъ: Яко Господеви Богу годѣ, тако и будетъ. Имаше же съ собою въ пустынѣ пособника, милость Божию, образъ пречистыя Богородицы и святаго Николы чудотворца, и мало въ кошницѣ¹ воды и хлѣбецъ немощи ради тѣлесныя, и едину сикѣру. И такъ себѣ отъ малыхъ деревьевъ сотвори хижицу малу, предъ нею же и прусъ рекше сѣнцы², и всегдашняя молитвы въ ней предъ образомъ Матери Божіи возсылающе. И тако единъ съ Богомъ въ пустыни безмолвствуя.

О звѣрскомъ стремленіи³ святаго.

Не престающе бо врагъ сы дѣмонъ⁴ всегда творяше пакость человѣкомъ, паче же искушенія много наводи на боящихся Бога; превращаяся убо врагъ сы дѣмонъ во звѣрское видѣніе въ медвѣдя и волки, и притече⁵ ноцію къ еблѣи святаго Стефана и рыкающе и зубы скрегчюще, хотя святаго устрашити и симъ изъ пустыни изгнати. Сему же многожды бывающе. Святый же Стефанъ, стоя на молитвѣ предъ образомъ пречистыя⁶ Богоматере и глаголюще молитву Исусову, и паки нача глаголати молитву кресту Христову: Крестъ хранитель всей вселенней⁷, и прочая; Да воскреснетъ Богъ и разыдутся врази его и да бѣжатъ отъ лица его вси⁸ ненавидящи его, яко исчезаетъ дымъ да исчезнутъ, яко таетъ воскъ отъ лица огню, тако да погибнуть⁹ бѣси отъ лица любящихъ Бога, и рекъ: аминь. И абіе нечистіи дуси вси безъ вѣстіи быша, твердаго же столпа не поколебаша, но паки сами сострашилися¹⁰.

О явленіи пречистыя Богоматере святому Стефану¹¹.

Преподобному же отцу нашему¹² и святому старцу Стефану пребывающе во внутренней своей пустыни, бдящу убо

¹ кошницѣ и проп. до: хлѣбецъ ² сѣнцыю ³ ест. на ⁴ дѣлоте ⁵ притечюще ⁶ пресвѣтѣя ⁷ ест. Крестъ красота церковная ⁸ проп. ⁹ грѣшницы отъ лица Божіа, тако да погибнутъ ¹⁰ сотрошася ¹¹ проп. ¹² проп.

ему и молящуся Господу Богу и пречистой Богородицѣ и всегда въ молитвѣ призывая въ помощь великаго святителя Николу. По ¹ трилѣтнее убо годище по пришествіи его въ пустыню на озеро Комельское, во время лѣтнее изшедшу преподобному Стефану изъ келии своея въ часовню помолился,—бѣ бо у него часовня въ пустынѣ во имя святаго Николы. Дню же бывшу свѣтлу и солнечну, и яко молящуся святому старцу, и абіе свѣтъ дневный премѣнись и бысть свѣтъ, явися свѣтлѣе дневнаго свѣта, якоже рече пророкъ: Свѣтъ возсія праведнику. Святому ² зрящу сѣмо и овамо, изыде изъ часовни и абіе явися милость Божія неизреченная Господа Бога нашего: на немъ зрѣть преподобный пречистую Богородицу, грядущу прямо къ часовнѣ, съ нею же великаго святителя Николу ³. Святый же, не моги зрѣти нестерпимаго свѣта зарю, паде предъ Богородицею и моча землю слезами. Близъ же его ста Никола ⁴ чудотворецъ и нача умоляти пречистую Богородицу о сватемъ, да благословить мѣсто оно. Всецѣлая же Мати Христа Бога нашего рече ко святому: Возлюбленне, возстани и воздвигни на семь мѣстѣ церковь во имя архіерея ⁵ Николы и монастырь устрои; ты же буди строитель и игуменъ мѣсту сему. И абіе со гласомъ онѣмъ и невидимы бысть ⁶. Преподобному же возставшу отъ земля радующеся ⁷ сердцемъ, паче же веселящуся духомъ о Господѣ и о семь благодарныя молитвы Господеви принесе, яко пречистая не презрѣ моленія его. Писано бо есть: Благословеніе Господне на главѣ праведнаго и вся дѣла смиреннаго явленна предъ Богомъ. И паки самъ бо истинно Христосъ глаголетъ: Не вжигаютъ свѣтильника подъ спудомъ ни ⁸ подъ одромъ поставляютъ, но на свѣщницѣ, да свѣтитъ всѣмъ, иже во храминѣ суть ⁹.

¹ Въ ² *ест.* же ³ великій святитель Никола ⁴ Николае ⁵ святаго
⁶ быша ⁷ радующеся ⁸ но ⁹ *проп.*

О пришедшихъ ко святому двоихъ мужъ.

И по¹ строенію Господню придоша ко преподобному Стефану нѣкія два мужа христіана и добронравна сердцемъ, лѣсни² имуще³ промыслъ, бѣ бо ходиша по пустыни звѣрина ради добытка⁴; и узрѣша хижицу и уразумѣша яко нѣки мужъ пребываетъ въ ней пустыннолюбителъ, и скоро пришедше къ хижицѣ и молитву сотворшу⁵ Иисусову. Старець же изыде къ нимъ; они же благословишася отъ⁶ него; онъ же рече: Богъ да благословитъ ваю, чада⁷. И побесѣдоваста со святымъ. Онъ же рече къ нимъ. Далече ли, чада, отъ сея пустыни до жилищъ⁸ человѣческихъ; хотѣлъ бы ихъ⁹ азъ убогій вѣдѣти путь до жилищъ человѣческихъ. Они же рекуще¹⁰: Пойдемъ, честный отче, мы тебѣ путь покажемъ до жилищъ человѣческихъ¹¹. Старець же иде съ ними; они же указаша ему стезицу¹² малу до жилищъ человѣческихъ, до Бѣлоселко(в)скоѣ¹³ дороги, до государскихъ деревень волостныхъ, бѣ бо изъ волостей едина стезица мала бысть лѣтняя и до пустыни святаго. Святой же, благодаря Бога, и рекъ има: Миръ вама, идета¹⁴ въ дома своя. И паки ти боголюбцы они¹⁵ два мужа придоша вскорѣ ко святому, принесше хлѣбы печены и соли и отъ пчель сота¹⁶. Старець же¹⁷ отъ нихъ съ радостію приимъ. Посемъ же и мнози увѣдаша о святомъ и начаша къ нему благовѣрніи людіе приходити и благодарніи¹⁸ быша отъ него, бѣ бо не имы тогда священническаго сава.

О злонравныхъ человѣцехъ, иже пакости творяху многи¹⁹ святому.

Ненаказанніи²⁰ же и злонравніи человѣцы, научаеми²¹ діаволомъ, бѣ бо злыи врагъ подстрекая сердца ихъ окрестъ

¹ во ² лѣсныи ³ имущице ⁴ добытія ⁵ сотворше ⁶ у ⁷ чадо ⁸ жилищъ ⁹ быхъ и ¹⁰ рекоша ¹¹ проп. ¹² стезицу ¹³ Бѣлоселскія ¹⁴ идета ¹⁵ проп. ¹⁶ соты ¹⁷ ест. сія ¹⁸ благодарени ¹⁹ пакость многу творяще ²⁰ Ненаказанскіи ²¹ учаеми

пустыни святаго живущи, въ ближнихъ весехъ и¹ селехъ приходяще на озеро Комельское рыбы ловити, приходяще² къ келии святаго, многу покасть³ творяще⁴ святому старцу Стефану, ругающесе и смѣющесе ему, бѣсовския пѣсни поюще и бранящу⁵ ему и глаголаху: Изыди изъ пустыни сея, яко угодіе наше есть, да не злѣ⁶ умреши. Многожды⁷ не дающе старцу на озерѣ рыбы ловити, а иногда же со озера придоша ноцію въ лѣтнее время, хотяху святаго убити, рекуще. Яко ничѣмъ его не можемъ отъ мѣста отгнати. Преподобному же въ то время стоящу на молитвѣ, Богу молящуся яко же речеса инде въ писаніи: И бѣ⁸ рука моя поможетъ ему и мышца моя защититъ. И нападе на зло-правныхъ человекъ ужасъ велій и страхъ многъ, и быша отгоними отъ келии святаго Божією силою. И паки речеса: Многи скорби праведныхъ, отъ всѣхъ ихъ избавитъ ихъ Господь. Тѣмъ же глаголетъ Господь: Гордымъ противится⁹, смиреннымъ же даетъ благодать.

О приходящихъ братіи ко святому.

По строенію же Божію и Духа святаго дѣйствіемъ снѣдошася ко преподобному отцу Стефану въ пустыню нѣколико братства. И начаша со¹⁰ святымъ въ пустыни¹¹ жителствовати, ревнующе его житію, терпяще Бога ради пустынное пребываніе. И бѣ пустыни далече отъ жилищъ человеческихъ и отъ церквей Божіихъ. И начаша со старцемъ размышляти, како бы имъ и коимъ образомъ въ пустыни¹² церковь малу. И возложше¹³ свое упованіе на Господа Бога и на святаго Николу чюдотворца, рекуще: Яко той умолитъ Бога о¹⁴ насъ сирыхъ, Богъ не презритъ въ пустыни сей.

¹ *ест.* въ ² и приходаша ³ пакость ⁴ творяща ⁵ браняюще ⁶ нашихъ
бесъ сея есть, да злѣ ⁷ *ест.* же ⁸ Ибо ⁹ противляется ¹⁰ *прп.* ¹¹ *ест.*
со ¹² *ест.* соградити ¹³ *ест.* все и *прп.* до: на святаго ¹⁴ и

О¹ шествіи святаго старца Стефана къ Москвѣ и о поставленіи его во игумены.

Преподобный же отецъ нашъ Стефанъ созва всю яже о Христѣ братію, иже съ нимъ въ пустыни жительствоуютъ. Сіи вси снідошася², идоша во храмъ молитвенный, иже есть въ часовню святаго Николы и начаша совѣтовати о поставленіи церкви, како бы имъ въ пустыни воздвигнути церковь и кого имъ избрати наставника³ себѣ, и все упованіе возложше⁴ на Бога и рекуще вси братія: Отче Стефане, ты первіе всѣхъ, Богомъ наставляемый, приде въ сію пустыню, ты убо и первый наставникъ намъ буди, иного, развѣ тебѣ, не⁵ имамъ⁶ избрати. И тако совѣтъ возложше⁷. Писано бо есть: Возваша праведніи и Господь услыши⁸ ихъ, Призываху Господа и той послушаше ихъ. И тако старецъ Стефанъ поимъ съ собою единого отъ братіи, а другаго отъ мирскихъ тружяющагося съ нимъ, и поидоша въ богоспасаемый градъ Москву⁹ князю Василию, и ко преосвященному митрополиту Даніилу, Кіевскому и Московскому и всея Русіи о пустыни¹⁰, яко да великій князь дастъ имъ землю въ пустыню подъ монастырь, къ митрополиту же, яко да благословить и повелить ему¹¹ въ пустыни церковь воздвигнути во имя святаго Николы. И тако Богомъ наставляеми придоша въ царствующій¹² градъ Москву. И видѣша митрополита Даніила, и благословишася у него. Онъ же видѣхъ¹³ и благослови, и вопроси Стефана: кто еси ты чернецъ, и что есть имя твое, и что требуеши отъ мене? Святый же ко святителю глагола: Великій святителю Даніиле, азъ есмь убогій чернецъ, рабъ многогрѣшный, господь си¹⁴ твой нищій богомалець, а имя мое Стефанъ грѣшный; придохъ ко

¹ ест. от ² ест. и вн ³ начальника ⁴ возложшиа ⁵ проп. ⁶ ест. кого ⁷ положиша ⁸ услыша ⁹ ест. бити челомъ о пустыни къ великому ¹⁰ ест. убо ¹¹ имъ ¹² господствующій ¹³ видѣ ихъ ¹⁴ Господень и

твоей святыни благословитися у тебя: прощу милости у Бога, и у тебя благословевія. Есть, владыко, во области града Вологды, на езерѣ Комельскомъ мѣсто пустынно, точію лѣсъ великій, и блата ¹ непроходимы, и мхи. Азь же грѣшный придохъ въ та мѣста, и нѣколико есть братіи со мною въ той въ нустыни, и да благословить твое святительство, и повелѣша ² намъ грѣшнымъ на томъ ³ мѣстцѣ церковь создати святаго Николы. Святитель же Даниилъ митрополить, вня си слово во умъ и усумнѣся, и повелѣ старцу Стефану, иже ⁴ съ нимъ пребыти у себя во дворѣ митрополитѣ хлѣбнѣ, яко же рече святыи апостоль: Братіе, невѣмъ ⁵ яко любящимъ Бога ⁶ вся поспѣшествуютъ во благо. И по семъ паки немедленно повелѣ святитель Даниилъ митрополить, старца Стефана взяти къ себѣ въ келію, и вопросы его паки: Гдѣ бѣ и камо пустыни сія, еже, рече, хочещи ли ⁷ обитель строити. Старець же Стефанъ вся сія повѣда подробну святителю; святитель же благослови его и рекъ: Яко на всякомъ мѣстѣ владычества ⁸ его, яко Господеви ⁹ угодѣ, тако и будетъ. И посемъ святитель Даниилъ иде къ великому князю Василию, въ его княжня ¹⁰ полаты, и возвѣсти великому князю о старцѣ Стефанѣ, рекъ: Яко прииде старецъ изъ твоея отчины, изъ предѣлъ Вологодскихъ, и бьетъ челомъ тебѣ, государю, о пустынкѣ; есть де въ-краи езера Комельскаго пусто мѣсто, точію лѣсы и блата, и многія мхи, и о семъ како ¹¹ повелить твоя держава. Сія же отъ святителя слышавъ великій князь Василий Ивановичъ ¹² о старцѣ, и рече: Постави ми ¹³ его сѣмо. Скоро же его ¹⁴ предъ великаго князя постави; и видѣ старца князь и вопросы его о всемъ; оному же вся повѣдающу ¹⁵ великому князю, вся подробну, яко же есть выше писахомъ. И сія слыша великій князь и похвали старца о семъ,—бѣ бо

¹ болота ² повелиши ³ *ест.* пустомъ ⁴ и еже ⁵ вѣмыи ⁶ *проп.*
⁷ *проп.* ⁸ владычества ⁹ *ест.* Богу ¹⁰ княжескія ¹¹ тако ¹² *проп.* ¹³ по-
 ставити ¹⁴ *ест.* святитель ¹⁵ повѣдавшу

теплѣ вѣрою къ боголюбивымъ мнихомъ, яко же и Господь рече: Вѣруя въ мя, а дѣла азъ творю. И даде ¹ строить въ пустынѣ монастырецъ, его же хоцетъ во имя, и грамоту даде; повелѣ же отписати и во отчину свою во градъ Вологду, къ державцу града, яко да оберегаетъ старца, ² и пустыню снабдѣваетъ отъ злонравныхъ челоувѣкъ, близъ живущихъ въ пустыни, и езера дасть и ³ пустынѣ. Даде же старцу Стефану князь великій на сооруженіе церкви серебра и иныхъ потребныхъ, и тако отпусти его ⁴. Тако жъ и великій святитель ⁵ Даниль, митрополить всея Русіи даде старцу Стефану благословеную грамоту, во еже въ пустыни воздвигнути храмъ во имя святаго Николы чудотворца ⁶, монастырь строити. Владе жъ ему и антимись, еще же дасть апостоль и евангеліе, ина кимъ ⁷ ризамъ ⁸ и сосуды церковныя, и серебра на сооруженіе церковное, и прочая. Сподоби же его и священства сана пріяти, и соверши ⁹ его игуменомъ; и удержа его у себе нѣколко дней, наказуя и уча его о ползѣ душевной: Братіе ¹⁰, плодъ духовный: любви, радость, миръ, долготерпѣніе, и ина отъ божественнаго писанія, и ¹¹ правилъ святыхъ отецъ, и прочая. И отпусти его святитель во свою ему пустыню ¹². О семъ тако есть.

Се же о приходѣ святаго Стефана съ Москвы.

Елма же Богу помогающе, прииде святой Стефанъ ¹³ во своя ему пустыню. Его же видящія ¹⁴ братія и вси тружашіи въ пустыни, текше во срѣтеніе его, и вси благословишася отъ него. Онъ же всѣхъ благословенію сподоби, несый съ собою великаго князя грамоту, данную на пустыню Стефану съ братією, и еже по немъ, и другую отъ

¹ вст. старцу пустыню и да ² вст. Стефана ³ въ ⁴ проп. ⁵ вст. преосвященный ⁶ вст. и ⁷ къ нимъ ⁸ ризы жъ ⁹ совершити ¹⁰ Брате и ¹¹ вст. отъ ¹² проп. до: о приходѣ ¹³ вст. съ Москвы ¹⁴ видѣвше

митрополита, яко да церковь поставитъ и монастырь строить. И немедленно вниде во храмъ молитвенный, рекше въ часовню святаго Николы, и молебная сотвори за великаго князя, и о плоду чрева его, тажъ и за святителя, и за вся христіаны. Самъ служаше съ братію. И тако вси касашеся тѣмны ко святому евангелію и честнымъ крестомъ оградими быша отъ руку святаго игумена Стефана, пастыря ¹ Христова стада словесныхъ овецъ, во своей ему пустыни. Отътолѣ же преподобный весь предается ² Богови, начатъ отребляти мѣсто и монастырь распространяти и отъ монастыря отсѣкати лѣсъ и подоліе расчищати покосу ³ ради, даже до езера; тако же и нивы насѣвати. Писано бо есть Благословеніе Господне на главѣ праведнаго, и Вся дѣла смиреннаго явлена предъ Богомъ. Къ сему же и мнози чловѣцы ⁴ къ нему приходяти, и тѣи зряху его тружашася, вси въ трудѣхъ помогающе святому ⁵ пустыню распространяти, вси купно работая кождо ихъ по своему обѣту, яко же ⁶ святому Николѣ.

О поставленіи первоначальныхъ церквей.

Посемъ преподобный игумень и строитель Стефанъ посла единаго брата въ веси жилищъ чловѣческихъ, да аще есть древодѣль ⁷, да приидуть въ пустыню и возмутъ мзду трудовъ своихъ и соградиша ⁸ церковь малу храмъ клинчатъ, зѣло ⁹ невеликъ. Стефанъ видѣ, яко уже годѣ освященіе ¹⁰, и посла въ веси ¹¹, села жилищъ чловѣческихъ вѣкиихъ отъ братіи, да шедъ возвѣстятъ о священіи церкви святаго Николы. ижъ на езерѣ Комельскомъ. Они же идоша и возвѣстиша сія и день уреченный повѣдаша, въ онъ же священіе ¹². И тако многое множество народа съѣхавшеся и

¹ И бысть Стефанъ пастырь ² посу , *ест.* начаша ³ престыся ⁴ *ест.* ону ⁵ *ест.* ко ⁷ древодѣль ⁸ соградятъ и *ест.* церковь во имя святаго Николы. Тѣмъ же и древодѣльы придоша и доскончаша слово ⁹ *прп.* ¹⁰ освящати ю ¹¹ вѣсть въ ¹² святи ю

сидошася и навезше ¹ святому многое потребныхъ всякого обилія и пици, и дающе много на строеніе церкви и монастырю и на препитаніе братіямъ, и оттолѣ прослы онъ монастырь Никола на езерѣ даже и до сего дне. Стефаново же имя имяновашеся, яко Стефанъ строитель монастыря того ² святаго Николы, иже на езерѣ. По семь убо преподобный Стефанъ нача строити монастырь четверуголень и келии постави многи ³ по чину, постави же и хлѣбню, содѣла же и гостинницу, въ ней же самъ и вся братія приходяще и гости хлѣбствуютъ. Постъ же его ⁴ кто можетъ исповѣдати, или труды ꙗко колѣнное поклоненіе кто испытати возможетъ?—токмо вся сія единому Богу вѣдома. На даяни же боголюбивыхъ христіанъ купи святыи три колокола. Приде же ему нѣкій братъ ⁵, имѣя онъ художество иконное писаніе, именовъ Гурей; сей многія труды показа, многія иконы написа и вся строя церковная переписа, якожь бысть прежде во Андрониковѣ монастырѣ, иже на Москвѣ: игумену Александру строящу церковь каменну святаго Спаса Нерукотвореннаго, а старцу Андрею иконы пишущу, сему же подобно и здѣ: Стефану строящу, а Гурію пишущу. Устави же преподобный келаря и казначея и пономаря ⁶ и прочая службы разряди: оваго въ пекарню, таже и прочая ⁷ трудомъ и ни есть ни единого жъ бы не тружатися. Сего же не вѣмы, въ кая времена и лѣта приде святыи ⁸ въ пустыню и колико лѣтъ потрудися; мною яко много лѣтъ потрудися и многа знаменія во имя Христова и чудеса сотвори, но писанію не ⁹ предашася. Бѣ бо многа времена проиде и многа бысть въ Русіи нестроенія и мятежъ, паче же бысть многое нашествіе отъ безбожныхъ Татаръ и отъ Черемисы на градъ Вологду и на вся предѣлы его; и бы въ тья времена многіе монастыри веліе разореніе пріяша; великому ¹⁰ князю Василю Ивановичю ¹¹ преставль-

¹ ина вещь. ² проп. ³ просто: ставятъ ⁴ вст. и молитву ⁵ проп. имѣя онъ ⁶ вст. ижъ ⁷ по прочимъ ⁸ стмся ⁹ проп. ¹⁰ вст. убо ¹¹ проп.

шуся въ вѣчный покой, бояры же и сановники и вси вельможи пріаши самовластіе и не радѣша о церквѣ¹, даже до великаго князя Ивана Васильевича, иже Богомъ вѣнчанъ царь бысть всея Русіи. Но мы же о семъ слово сокративше², многа ина повѣсти достойна святаго преминухомъ множества ради лѣтъ, яже проидоша земли убо широта и моря глубина, и святыхъ чюдеса не изочтенна суть: единъ Богъ вся сія вѣды. Сія же дерзнухъ написати, яко³ чтомъ⁴ будетъ памяти ради святаго. Но, о великій угодниче святыи Стефане, милостиваго еси Бога Господа рабъ, милостивъ буди мнѣ грѣшному слагателю житіе твое святое⁵, яко отъ вѣрна раба. Святче Божій, помилуй мя грѣшнаго во вѣки вѣка⁶, смыслу моему разумѣніе даровася отъ Бога. Духъ убо святыи дѣйствуя⁷ усты человѣческими, а не злое и отрыгая отъ сердца человѣча слово богохвално⁸ а не богохулно⁹.

О преставленіи преподобнаго Стефана.

По смотрѣнію¹⁰ Божію преподобный отецъ нашъ Стефанъ поживе многа лѣта на земли въ доблемъ своемъ трудѣ и въ постѣ¹¹ и въ настоятельствѣ и во многихъ исправленіяхъ же къ Богу¹², и честными сѣдинами просія, и отъ старости изнемогъ бѣ, понеже, реку, приде званіе Божіе отъ здѣшнихъ на небесная. И тако въ недугъ тѣлесный впаде и скорбію земною¹³ объять бысть, и возлеже на одрѣ, уже не моги ходити. Братія жъ видяще его болна суца, беспрестани посѣщающе его¹⁴ святаго вси вкупѣ и глаголюще¹⁵: Отче честный, оставляеши насъ сирыхъ въ пустыни сей. Святыи же, утѣшая ихъ, глаголаше: Не скорбите, братіе, живущи въ пустыни сей; сія бо есть пустыни на спасеніе ду-

¹ царствѣ ² да скратимъ ³ *вст.* да ⁴ чтомо ⁵ *вст.* сіе и пріими убо сіе отъ мене, моляся тебѣ, святе ⁶ елика ⁷ *вст.* и благое ⁸ хвално ⁹ благохулно ¹⁰ строенію ¹¹ постѣхъ ¹² яжъ во Господу ¹³ звлне ¹⁴ *прот.* ¹⁵ *вст.* о

шамъ нашимъ; оставляю же васъ въ руцѣ всѣхъ Бога и того рождыше Богоматере и святому Николѣ; не имать Господь васъ презрѣти на мѣстѣ семъ¹ святемъ сирыхъ и отъ всѣхъ врагъ избавить и спасеть васъ², вы же имѣйте межю собою любовь нелицемѣрну другъ ко другу, наставника почитайте и во всемъ повинуйтеся ему, простоту жъ возлюбите и смиреніе, злонравіе же и злосердечіе далече отрините³; строевіе же монастырское держите яко при моемъ животѣ бысть. Прирекъ же и сіе слово: Братіе, о семъ разумно вамъ да будетъ, аще будетъ обрѣты⁴ благодать предъ Богомъ, то монастырь сей и по моемъ преставленіи не оскудѣетъ, но паче распространится; аще и тѣлесно⁵ отхожду отъ васъ, но духомъ съ вами не отступенъ буду, аще будете имѣте⁶ между собою любовь. Многа же⁷ сему прочая поучивъ ихъ о всемъ. И уже седмица дней приде яко ему боляшу, и видѣ святыи свое отшествіе къ Богу⁸, и повелѣ себѣ внести ризы своя погребателная⁹, бѣ бо у него на то уготованы старья и¹⁰ ветхія, иже¹¹ ношаше, и тако ученикомъ¹² подкрѣпляемъ руками, облечеса въ нихъ и вниде въ церковь святаго Николы, ученикомъ же ведомъ бысть¹³, и причастися отъ руку священника, служащаго святую литоргію, вкуси тѣло и кровь Господа Нашего Іисуса Христа, спутника животнаго, и вниде въ келію іюня 12 день, освѣтаюшу дневію а¹⁴ божественному словословію утренему но¹⁵ отпустѣ, предасть святую свою душу въ руцѣ всѣхъ Бога. Братія же изъ церкви испедше по отпѣніи¹⁶, внидоша ко святому, мнѣша его жива, и видѣша преподобнаго уже о Господѣ скончавшася и падше къ тѣлеси, плачущеса многими слезами. И тако вся братія¹⁷ съ ними трудившеса вси у тѣлеси его простишася и не бѣ видѣти, яко умре святыи, но зрѣти, яко на

¹ мѣ ² насъ ³ злосердіе не отжените ⁴ буду обрѣ ⁵ тѣломъ ⁶ будетъ имати ⁷ *ест. ина* ⁸ ко Господу ⁹ погребалныя ¹⁰ бо ¹¹ ихже ¹² ученикома ¹³ быти ¹⁴ дневи и ¹⁵ на ¹⁶ отпѣтіи ¹⁷ *ест. ижъ*

сонъ преложися; лице же его наипаче просвѣтися живаго. И учиниша гробъ въ дровѣхъ сосновѣхъ¹ и вложиша въ не² святое тѣло и внесше въ церковь святаго³ Николы, надгробными пѣснями и псалмопѣніемъ преподобнаго почтоша⁴, земли предаша. Погребоша его близъ олтаря святаго Николы входя въ церковь съ десныя страны⁵, въ лѣто 7050 годъ, мѣсяца юня 12 день, на память святыхъ⁶ отецъ Онофрія⁷ Великаго и Петра Афонскаго. Сицевы отца труды и потове, сицевы подвиги и терпѣніе, сице⁸ бысть въ пустыни пребываніе⁹ и строеніе. И тако братія учиниша надъ нимъ часовенку малу памяти ради, яко ту есть погребенъ первый игумень и первый начальникъ сему мѣсту и строитель святой Стефанъ. И сіе до здѣ слово да скратимъ; подобающее же¹⁰ приложится здѣ.

О видѣніи на гробѣ огня и о написаніи образа святаго Стефана.

Лѣту же единому прошедшу или мѣсе по преставленіи святаго Стефана, видѣша нѣцыи отъ братіи боголюбивы мнихи не по едины ноци¹¹ надъ гробомъ святаго свѣщи¹² горящу; и сего бысть многожды видящимъ и сіе повѣдаста между собою видѣніе, и мнозѣмъ уразумѣша¹³ сіе, яко же рече псаломщикъ¹⁴: свѣтъ восія праведнику. И призваша писаря иконамъ и повелѣша святаго Стефана образъ написати, еже и бысть: разказаша бо ему, каковъ бѣ подобіемъ, онъ же по разказу ихъ вся подробну написа образъ святаго¹⁵, и положиша образъ на гробѣ святаго. И тако же и другій написаша образъ и внесоша въ церковь, поклоняющеса ему. И оттолѣ начаша бývати многа чудеса отъ гроба его святаго¹⁶.

¹ *вст.* кладу ² *ню* ³ *вст.* отца ⁴ *проводила* ⁵ *прп.*: въ лѣто 7050, мѣсяца ⁶ *преподобныхъ* ⁷ *Ануери* ⁸ *сицево* ⁹ *вст.* сицево ¹⁰ *вст.* да ¹¹ *едину* ноцъ ¹² *свѣщу* ¹³ *и разумѣвающа* ¹⁴ *во псалмѣ* ¹⁵ *прп.*: и положиша образъ на гробѣ святаго ¹⁶ *вст.* съ вѣрою приходящимъ и до сего дня

Чюдо преподобнаго Стефана о избавленіи отъ потопа на морѣ.

Въ богоспасаемомъ градѣ Вологдѣ человекъ нѣкій, именовъ Гавріиль, сей куплю дѣя, яко же есть обычай градскимъ человекомъ ¹, и отъ сего прибыточная домови своему творяше и челядь свою питаше, бѣ бо правдивъ человекъ той и правдою куплю творяше и отъ сего подаѣ ² нищимъ и скорбнымъ Бога ради. И по нѣкоемъ убо времени прилучися ему ³ быти въ монастырѣ святаго Николы, иже на езерѣ Комельскомъ, его же Стефану строящу, таже и благословенъ бысть отъ игумена Стефана. И бывши ему въ келіи у преподобнаго и бесѣдоваста много о ползѣ духовнѣй отъ божественныхъ писаніихъ, вда же онъ человекъ въ руцѣ святому серебра на строеніе церкви святаго Николы и отъиде во свояси, и оттолѣ нача велію вѣру держати къ монастырю святаго Николы, ко святому ⁴ Стефану многу любовь и союзъ духовный, по вся лѣта присылаше ⁵ ко святому въ монастырѣ рогозу овогда и двѣ и соли, такоже и отъ рыбы ⁶ снѣданныхъ и ина потребная на препитаніе братіямъ ⁷, часто же и самъ пріѣзжаше любве ради духовныя ⁸ молитвы ко святому Стефану. По преставленіи же преподобнаго отца нашего игумена и строителя Стефана, по нѣкоемъ времени бывшу ему на морѣ, куплю дѣюще, и отплывшу въ ладьи отъ берега далече, и се внезапно бысть буря вѣтренная велика зѣло ⁹, яко и ладью ¹⁰ его сокрушится отъ волнъ великихъ; людемъ же всѣмъ отчаявшимся живота, оному же мужу молящуся Богу и пречистой Богородицѣ и многимъ святымъ ¹¹ призываше си въ молитвѣ на помощь и не бысть ему помощи, и се онъ воспомяну преподобнаго Стефана, игумена и строителя ¹² святаго Николы, иже на езерѣ Комельскомъ, и рече: О преподобне отче Стефане,

¹ людемъ ² давалъ ³ оному ⁴ ест. же ⁵ послалше ⁶ рыбъ ⁷ братіи ⁸ ест. и ⁹ зѣлна ¹⁰ лодіи ¹¹ многихъ святыхъ ¹² ест. монастыря]

вѣмъ ты предъ Богомъ велика, помани, святе, колику любовь имѣлъ еси къ моему художеству¹; еще живъ си², вѣмъ, яко и нынѣ на небесехъ предстоиши престолу Христову, помолися, святе, ко Господу, яко да избудемъ отъ сея страшныя смерти. И се абіе видить на ладѣ старца святолѣпна и сѣдинами украшена и глаголаше³: Не бойся, сыну смиренія, се бо Господь услыша моленіе твое и посла мя избавити тя отъ потопленія. Оному же мужу вопросиша⁴ его: Отче святыи, кто еси ты, бѣ бо отъ страха морскаго усумнѣся. Святыи же рече: То не вѣси ли, Гавріиле, колико⁵ подалъ въ монастырь святаго Николы и мнѣ смиренному: азъ бо есмь Стефанъ, строитель святаго Николы монастыря, иже на езерѣ. И абіе невидимъ бысть. И тако буря преста и волны⁶ премѣнишася на тихость и бысть ему плаваніе благополучно ко пристанищу берега, и ко берегу преста. Таже⁷ и въ домъ свой приде и немедленно скоро приходитъ въ монастырь святаго Николы и ко гробу святаго Стефана чюдотворца припаде, и сія вся исповѣда игумену и братіи. И тако⁸ Николѣ молебная совершивъ и у гроба Стефана понахиду⁹ пѣвъ и на гробъ святаго положи¹⁰ покровъ и вниде¹¹ въ домъ свой радуяся.

¹ художеству ² сый ³ глаголюща ⁴ воспросившу ⁵ ест. еси ⁶ ест. морскія
⁷ Такоже ⁸ ест. сгятому ⁹ понагін у ¹⁰ приложи ¹¹ отъиде

Выписки изъ службы преподобному Стефану.

Кто бо слыша не удивится безмѣрному твоему смиренію и терпѣнію и еже къ нищимъ милованіе, къ скорбящимъ утѣшеніе.

Не остави насъ, яко же общася, твое Богомъ собранное стадо, избави нашествія супротивныхъ.

Яко ангель во плоти поживъ житіе и чудотворенія даръ пріять отъ Бога: бѣсныя и прокаженныя исцѣляти и очищати чловѣкомъ различныя недуги.

Тѣмже и нынѣ мы твою всечестную окружающе раку: молись Христу Богу, святе, подати и державному царю нашему¹ на враги побѣдительная.

Молись Христу Богу о чадѣхъ паствы и о притекающихъ съ вѣрою къ рацѣ мощей твоихъ.

Волнамъ, преподобне, именемъ Господнимъ запретивъ и езеро укротивъ, люди отъ истощенія спаслъ еси молитвами си.

Оставилъ еси отечество и страну свою и вся вещи, вреждающія тебе, и поиде радуся во внютреннюю непроходимую пустыню, яко во вселенъ градъ, ко езеру Комельскому, и тамо претерпѣлъ еси многія скорби отъ бѣсовскихъ коварствъ и отъ звѣрей стремленія и отъ ненаказанныхъ чловѣкъ гоненія и многимъ путь бывъ ко спасенію, и державному² царю на супротивныя побѣды и утверженіе.

¹ Первоначально написано было: державной нашей ² Подчищено

Вся яже въ мирѣ сладкая и красная 'возненавидѣвъ и послѣдовавъ Христу. Тѣмъ же отъ всѣхъ слышиши: Радуйся, святе, отшедь отъ сродникъ своихъ и устремися на западныя страны; радуйся, въ непроходимую и внутреннюю пустыню вселився и устрой въ яко градъ пустыню при водахъ Комельскаго озера..., радуйся, отъ своего чпага цѣною многа селища искупивъ, напитая трудившихся въ ней Бога ради., радуйся, святое и многотрудное твое тѣло ученицы твои погребоша; радуйся, преславному граду Вологдѣ и отъ отецъ твоихъ похвала и утверженіе; радуйся, преподобне: на мори окіанѣ вѣрнымъ явился челоуѣкомъ въ потопленіи великій правитель; радуйся отъ многъ лѣтъ и пожаровъ во время солнечнаго зноя гробъ твои ученицы обрѣтоша хладенъ яко въ зиму...; радуйся, державному царю нашему¹ на супротивныя побѣды и утверженіе.

Въ пустыню, якоже древній Ануфрій, вселился еси, и въ ней великаго Кирилла слезами и постомъ подражалъ еси.

Рукою моею недостойною приносимое тебѣ трудомъ отъ усердія хваленіе прими, богоблаженне нынѣ Стефане.

¹ Три послѣднія слова на подчищенномъ мстѣ.

Цѣна 50 копѣекъ

Адресъ Императорскаго Общества Любителей Древней Письменности:
Фонтанка, 34 (домъ Гр. С. Д. Шереметева).